

# Vuk'uzenzele

O e tlisediwa ke Ditlhaeletsano tsa Puso (GCIS)

English/Setswana

Mopitlwe 2023 Kgatiso 1

## Moporesitente o itsese setšhaba ka ditshwetso tsa go tsenya tirisong Molao wa Maemo a Masetlapelo



■ Moporesitente Cyril Ramaphosa mo nakong ya fa a ne a eme setšhaba ka lefoko la SoNA.

**M**oporesitente Cyril Ramaphosa o tseretshwetso ya go tsaya dikgato tsa tshoganyetso tsa go tsenya tirisong Molao wa Naga wa Maemo a Masetlapelo mabapi le mathata a motlakase a ga jaana a lebaneng Aforika Borwa.

Jaanong e setse e le sebaka Eskom e ntse e leka go thiba ka fa le ka kwa gore motlakase o nne o ntse o le teng, mme go retetse e leng sona se se bakileng gore motlakase o tshabele ruri le go feta mme se se amileng matshelo, ditsela tse batho ba iphedisang ka tsona le dikgwebo ka tsela e e sa itumediseng.

Ka Labone wa la bo 9 Tlhakole 2023, Moporesitente o itsesitse setšhaba ka ditshwetso tsa go tsenya tirisong Molao wa Maemo a Masetlapelo mo nakong ya Puo ya gagwe ya Maemo a Setšhaba kwa Ntlolehalahaleng ya Toro-

pokgolo ya Cape Town.

“Mo nakong ya mathata, re tlhoka yo o ka re bontshang tsela le go tsamaya ka tsela e le nngwe mmogo. Jaaka fa re bua ka seo se bakileng mathata a, re tlhoka go bua gape le ka tsela eo mathata

a re amileng ka teng.

Mathata a a ntse a tswela go gola le go ama karolo nngwe le nngwe ya setšhaba,” ga rialo Moporesitente. O tlaleditse ka gore puso e tshwanetse go dira sengwe go fokotsa go amega ga balemirui, dikgwebopotlana, mafaratlhatlha a a tsamaisang metsi, dipalangwa le tse dingwe tse mmalwa gammogo le mafelo a mangwe a a amang matshelo a baagi.

“Fa ka fa letlhakoreng le lengwe re sekaseka mabaka a otlhe le mathata a re leng mo go one, Setheo sa Naga sa Tikatikwe ya Merero ya Masetlapelo sona ka fa letlhakoreng le lengwe se tlhalositse fa mathata ano a motlakase mmogo le seabe seo a nang le sona mo setšhabeng jaaka maemo a masetlapelo mo nageng.

Ka jalo re itsise setšhaba ka dikgato tsa go tsenya tirisong Molao wa Naga wa Maemo a Masetlapelo mabapi le mathata a motlakase le ditlamorago tsa one,” ga rialo Moporesitente Ramaphosa.

O totobaditse gore tlhalelo e e tlhomolang pelo ya motlakase e naga e iphitlhelang e le mo go yone e tlhoka gore puso e tseye dikgato ka lepotlapotla.

“Maemo a a sa tlwaelegang a tlhoka gore a tselwe dikgato tse di sa tlwaelegang. Mathata a motlakase ke matshosetsi a a leng teng ga jaana mo ikonoming ya rona le

E tswela mo go tsebe 2

IKGOLAGANYE LE RONA MO GO Vuk'uzenzele @VukuzenzeleNews

Diwebesaete ke: [www.gcis.gov.za](http://www.gcis.gov.za) Imeile ke: [vukuzenzele@gcis.gov.za](mailto:vukuzenzele@gcis.gov.za)  
[www.vukuzenzele.gov.za](http://www.vukuzenzele.gov.za) Mogala ke: (+27) 12 473 0103

Tshedimosetso House:  
1035 cnr Francis Baard and Festival streets, Hatfield, Pretoria, 0083

**VUK'UZENZELE KE MAHALA, GA E REKISIWE**



### E tswela go tswa mo go tsebe 1

mo go ipopeng seoposengwe ga setšhaba. Re tshwanetse go dira ka natla, mme re seka ra senya nako, ka go tsenya dikgato tseno tirisong," a rialo.

### Tsela e Molao ono o tla dirisiwang ka yone

Moporesitente o tshalositse gore kgato eno e tla kgontsha puso go tsaya dikgato tse di bonagalang mo go tsweng thuso dikgwebo tse di amegileng thata ka ntlha ya ditlamorago tsa motlakase yo o tsamaetseng ruri.

"Molao wa Maemo a Masetlapelo o tla re kgontsha go tshegetsa dikgwebo mo go bonalang mo dikgwebong tsa tlhagisong ya dijo, tsa polokelo le thulaganyo ya tlamelo

ya mabenkele go akaretsa le go di neela dijeneretara, disola le tlamelo e e sa kgaotseng ya motlakase," a rialo.

Fa go kgonega, Moporesitente o tshalositse gore Maemo a Masetlapelo a tla kgontsha naga gape go thusa dikago tse di botlhokwa jaaka maokelo le didiriswa tsa go phepafatsa metsi mo tlhokong ya motlakase.

"Go tla re kgontsha go tsamaisa diporojeke tsa motlakase ka bonako le go fokotsa ditlhokego tsa semolao fa rentse re tswelotse ka go sireletsa tikologo ka kelotlhoko gammogo le melawana ya theko le ya setegeniki," a rialo.

Moporesitente Ramaphosa o tshomamiseditse setšhaba gore ditshenyegelo tse di amanang le Maemo a Masetlapelo di tla bewa leitlho kwa kanto-

rong ya Moruni Kakaretso go di sireletsa kgatlhanong le tirisobotlhaswa ya matlole mangwe le mangwe a a katswang a tlhokega go rarabolola mathata a motlakase.

Mo godimo ga moo, Tona ya Motlakase mo Kantorong ya Moporesitente o solofetswe go thapiwa go lebagana le go ntsha naga mo mathateng a ga jaana a motlakase.

"Ke tla thapa Tona ya Motlakase mo Kantorong ya Moporesitente go tsaya mairakabelo ka botlalo mabapi le go lebelela dikarolo tsothle tsa mathata a motlakase, go akaretsa le tiro ya Komiti ya Bosetšhaba ya Mathata a Motlakase," ga rialo Moporesitente.

O tlaleditse ka gore Tona eo e tla tlhoma mogopolo ka botlalo le go dirisana le boto

gammogo le botsamaisi jwa Eskom go fedisa tlhokego ya motlakase le go netefatsa gore Lenaane la Tiriso ya Motlakase le tsenngwa tirisong ntle le go senya nako.

Moporesitente o kaile gape gore Lefapha la Bosetšhaba la Matlole le konosetsa tharabololo ya morwalo wa sekoloto sa Eskom sa dibilione di le R400 ka tsela e e matshwanedi e sa gobebele go botlhe ba ba amegang, se se tla kgontsha Eskom go dira dipeeletso tsa botlhokwa mo tlhokomelong le mo tsamaisong ya motlakase.

"Puso e tla tshegetsa Eskom go bona matlole a mangwe go reka disele mo ngwageng otlhe wa ditšhelete.

Se se tshwanetse go ngotla maatla a tlhokego ya motlakase ka gonne Eskom e tlabo e

kgona go dirisa dipolante tsa yona tse di dirang ka disele fa tsamaiso ya bone e le ka fa tlase ga kgatelelo," a rialo.

Eskom e simolotse thulaganyo ya go reka motlakase o montsi mo bafetling ba motlakase ba poraefete mme e setse e bone dimekawate di le 300 go tswa kwa dinageng tsa boagisani.

Fa godimo ga moo, Moporesitente o tlaleditse ka gore Tirelo ya Sepodise ya Aforika Borwa e tshamile setlhopha se se ikemiseditseng sa boetapele jo bo kwa godimo go samagana le bogwene-gwene jo bo tswelolang le bogodu kwa diteišeneng di le mmalwa tsa motlakase tse di dirileng gore diteišene tse di seka tsa dira sentle gotlhelele.

- SAnews.gov.za

# SA beefs up protection for whistleblowers

**P**resident Cyril Ramaphosa says government is working on mechanisms to improve protection for those who blow the whistle on corruption.

"We are working to capacitate the Witness Protection Unit and will introduce amendments to the Protected Disclosures Act and Witness Protection Act to strengthen protection for whistleblowers," he said during the State of the Nation Address (SONA).

President Ramaphosa said work is already underway to improve access to the witness protection programme for public servants who expose maladministration, corrup-



tion and unethical conduct.

"We will finalise the draft Public Procurement Bill to address weaknesses identified by the State Capture

Commission and improve efficiency, value for money and transparency. Our reinvigorated law enforcement agencies are taking firm

action against companies and individuals alleged to have been involved in State capture," President Ramaphosa said.

President Ramaphosa said the National Prosecuting Authority (NPA) Investigating Directorate, established in 2019, has taken 187 accused persons to court in 32 State capture and corruption cases.

"Over R7 billion has so far been returned to the State from State capture cases. To date, R12.9 billion of funds and assets have been frozen. This year, the Investigating Directorate will be established as a permanent entity within the NPA," he said.

These efforts are in line with

the President's appointment of the National Anti-Corruption Advisory Council in August 2022. The Council consists of people from across society who advise on suitable mechanisms to stem corruption, including an overhaul of the institutional architecture for combatting corruption.

President Ramaphosa said for the country to achieve any progress in addressing the urgent challenges it faces, there can be no compromise in building a capable and effective state. - SAnews.gov.za

### Did you know?

You can report corruption to the Special Investigation unit by calling **080 003 7774** or contact the National Anti-Corruption Hotline on **0800 701 701**



government communications

Department: Government Communication and Information System  
REPUBLIC OF SOUTH AFRICA

Tel: 012 473 0353

Email: [vukuzenzele@gcis.gov.za](mailto:vukuzenzele@gcis.gov.za)

Address: Private Bag X745, Pretoria, 0001

#### Head of Editorial and Production

Regomoditswe Mavimbela  
[Regomoditswe@gcis.gov.za](mailto:Regomoditswe@gcis.gov.za)

#### Acting Editor-in-Chief

Zanele Mngadi | [Zanelemngadi@gcis.gov.za](mailto:Zanelemngadi@gcis.gov.za)

#### Managing Editor

Tshepo Nkosi | [Tshepon@gcis.gov.za](mailto:Tshepon@gcis.gov.za)

#### News Editor

Noluthando Motswai

Writers: More Matshediso

#### Graphic Designers

Tendai Gonese | Benny Kubjana

#### Production Assistants

Jauhara Khan | Sebastian Palmer

#### Language Practitioners

Nomgcibelo Motha | Boitumelo Phalitse  
Thandolunye Khulu | Mahanyele Ramapala



Vuk'uzenzele  
is published by Government  
Communications (GCIS)

Distributed by:  
**ON THE DOT**

Printed by:  
**RISING SUN PRINTERS**  
for laboratory service

The material in this publication may be reproduced, distributed, or transmitted in any form or by any means, including photocopying, recording, or other electronic or mechanical methods, without the prior permission of the publisher on condition that this publication shall be credited as the source.





"JAANONG KE NAKO YA GORE RE DIRE MMOGO,  
GO TLOTLA NELSON MANDELA, GO AGA AFORIKA  
BORWA E NTŠHWA, E E BOTOKA YA BOTLHE."

MOPORESITENTE CYRIL RAMAPHOSA

#SendMe

RE GO AGELA BOKAMOSO JO BO BOTOKA  
RE ITHUTA GO TSWA MO DITIRONG TSA GA MADIBA



# Re dira gore motlakase o nne tlhwatlhwatlase

**K**itsiso ya sešeng jaana ka ga koketsego ya ditlhwatlhwa tsa motlakase e tllile mo nakong e e thata mo baaging le mo dikgwebong ka go tshwana, ba e leng gore ba lwa le ditlhwatlhwa tse di kwa godimo tsa lookwane, dijo le ditlhokego tse dingwe.

Ke ka lone lebaka le gore ke bo ke dirile boikuelo sešeng jaana gore boto ya Eskom e sekaseke mabaka a a ka thusang go fokotsa koketsego ya go amega ka 18.65% go tswa mo nakong e e beilweng ya go tsenngwa tirisong.

Tlhwatlhwa e ntšha e dumeletswe ke ba Bolaodijwa Aforika Borwa jwa Bosetšhaba jwa Motlakase (NERSA) go latela thulaganyo e e beilweng, e e akaretsang go buisana le batho ka kakaretso. Go botlhokwa gore re tlhomamisa go ikemela ga NERSA le botlhokwa jwa go latela dithulaganyo tsa molao mo go tlhomeng dituelo.

Ditlhwatlhwa tse di tlhagelelang jaaka ditlhwatlhwa tsa tlhagiso ya motlakase di botlhokwa mo tshogetsong ya matlole ya Eskom, le gore e kgone go baakanya sekoloto sa yone le go dira paakanyo e e tseneletseng e e tlhokegang go fedisa kgaotso ya tlanelo ya motlakase.

Le fa go ntse jalo, go na le pelaelonyana ya gore go oketsa tlhwatlhwa ya motlakase jaanong, mo nakong e e thata e, go tla oketsa mathata ao Maaforika Borwa a lebaneng le one.

Tlhatlogo ya ditlhwatlhwa tsa dijo le motlakase e etegetsa mathata a tlhwatlhwa ya botshelo lefatshe ka bophara, mme bahumanegi ke bone ba



ba amegang thata. Mo Aforika Borwa, ditlhwatlhwa tsa dijo di oketsegile ka palogare ya 12% fa e sale mo ngwageng o o fetileng.

Se ke bothata boo re lebaneng le bona: re tshwanetse go netefatsa gore Eskom e na le didiriswa tse e di tlhokang go rarabolola mathata a motlakase fa e ntse e sireletsa Maaforika Borwa kगतलhanong le ditlamorago tsa ditlhwatlhwa tse di kwa godimo.

Ga go na tharabololo e e bonolo ya bothata bo. Ke ka moo botlhe ba ba amegang, go akaretsa puso, Eskom, kgwebo, badiri le baagi ba tshwanetseng go dira mmogo go fitlhelela tekatekano e e thata e. Ka dinako tsotlhe, re tshwanetse go kaelwa ke ditlhokego le dikgatlhegelo tsa Maaforika Borwa, segolo-bogolo bahumanegi gompiano le mo isagong.

Re tshwanetse go ela tlhoko ditharabololo tsa nakwana tseo re tla tsogang re di ikotlhaela mo dingwageng tse di tlang.

Jaaka puso re tla tswela go tsenya tirisong dipholisi le ditsele tsa go fokotsa bothata bo bo itemogelwang ke baagi ba

ba senang bokgoni. Fa esale mo malatsing a ntlha a temokerasi re tsenya tirisong pholisi ya metsi a mahala mo malapeng a a senang bokgoni. Tlanelo ya motlakase wa mahala, fa e tsentswe tirisong sentle ke bommasepala, e tshwanetse go sireletsa malapa a a humanegileng kगतलhanong le ditlamorago tsa koketsego ya ditlhwatlhwa. Re tla tswela go dira ka natla mo pholiseng e.

Dithulaganyo tse dingwe tsa go oketsa moputso wa loago di akaretsa tlanelo ya mahala ya boitekanelo jwa motheo, go se duedise barutwana ba ba tswang kwa malapeng a a dikobo dikhutshwane madi a sekolo, thulaganyo ya dijo kwa sekolong e e tlamelang barutwana ba feta dimilione di le robonngwe naga ka bophara, le tlanelo ya mahala ya thuto e kgolwane ya baithuti ba ba tswang kwa malapeng a a dikobo dikhutshwane.

Moputso o o kwa tlase wa bosetšhaba, o o tsentsweng tirisong ka 2019, o tokafaditse meputso ya badiri ba le bantsi, segolo-bogolo badiri ba mo dipolaseng, badiri ba mo

malapeng le ba bangwe ba ba senang bokgoni.

Tselae nngwe e puso e thusang maloko a setšhaba a a senang bokgoni mo koketsegong e e tsweleng ya ditlhwatlhwa ke ka pholisi ya kgaisano. Ka nako ya leroborobo la Corona, Khomišene ya Kgaisano e dirisitse maatla a yone go diga ditlhwatlhwa tsa diteko tsa COVID-19 mme batlamedi ba ba neng ba bonwa molato ka go duedisa batho ditlhwatlhwa tse di kwa godimo tsa dimmasseke ba ne ba otlhaiwa.

Khomišene ya Kgaisano e lebelela ditlhwatlhwa tsa dijo tse di tlhokegang, mme sešeng jaana e fitlhetse gore bareki ba lebane le dikoketsego tsa ditlhwatlhwa tse di sa dumelelwang tsa mafura a sonobolomo, dijo tse di tlwaelegileng go dimilione tsa malapa.

Mabaka a otlhe a neelana ka 'moputso wa loago' o o botlhokwa o o thusitseng go sireletsa malapa a a humanegileng kगतलhanong le ditlamorago tse di botlhoko tsa ditlhwatlhwa tse di oketsegang. Puso e akanya go lere mekgwa e mengwe

ya go fokotsa tlhatlogo ya tlhwatlhwa ya motlakase. Se se akaretsa mabaka a a jaaka go thusa malapa le dikgwebopotlana go tsenya disola le didiriswa tsa go boloka motlakase, go tshogetsisa malapa ka mabone a a tladiwang magala, le go dira mmogo le barutwana go tswela pele ka dirutwa tsa bona moo tlhokego ya motlakase e ba kgaoleditseng teng. Re tshwanetse re kgone go neelana ka tshedimosetso e nngwe mo go se le maiteko a mangwe mo dibekeng tse di tlang.

Jaaka fa re dira mmogo go fenya mathata a motlakase, ke ikuela go Maaforika Borwa otlhe go duelela motlakase o ba o dirisang. Re ka kgona go tokafatsa le go godisa tlanelo ya motlakase le ditirelo tse dingwe tsa motheo fa fela puso le bommasepala, segolobogolo, ba na le bokgoni ba go dira jalo.

Go sa duelelwe ga motlakase le go ikgolaganyetsa tlanelo ya motlakase e se ka fa molaong di dira gore tlanelo ya motlakase e nne tlhwatlhwagodimo mme e sa ikanyege.

Mathata a a bakwang ke ditlhwatlhwa tsa botshelo lefatshe ka bophara a tlhalosiwa jaaka kgamarego ya ikonomi e e diragalang gangwe fela mo dingwageng tse dintsi, mme e etegedisiwa ke ditiragalo tsa mo lefatsheng tse re senang taolo mo go tsone.

Re le puso, re tla tswela go dira ka natla go oketsa moputso wa loago, jaaka fa re dira gore maiteko a rona a nne bonako go busetsa tlanelo e e ikanyegang mme e sireletsegile ya motlakase. Re tla tswela gape go dira mmogo le balekane ba rona ba loago le ditheo tsa puso go bona mekgwa e e ka tswelidising maikaelelo a go sireletsa malapa a Aforika Borwa kगतलhanong le ditlamorago tse di botlhoko tsa tlhatlogo ya ditlhwatlhwa tsa motlakase le ditlhwatlhwa tse dingwe. **U**